

tatis Præful subscripsit Concilio Chalcedonensi.

PATAVIVM Ptolem. lib. 5. cap. 1. vulgò *Polmen* teste Molano. *Stephanus* Patauij Asiæ Antistes Concilio Romano 5. sub Symmacho subscripsit.

DABLIS Ptolem. ibid. *Polichronius* huius ciuitatis Præful in subscriptionibus eiusdem Concilij legitur.

NEOCÆSAREA, Stephano de Urbib. *Olympius* Neocæsareæ Episcopus Concilio Constantinopolitano primo subscripsit inter Episcopos Bithyniæ.

CIVS Strab. lib. 12. *Cyrillus* Episcopus Cij subscripsit Concilio Nicæno primo.

BITHYNIA ALTERA.

NICÆA Strab. lib. 12. vulgò *Nichea* Sophiano teste. *Theognidis* & *Cristi* eius Episcoporum meminit Theodoretus lib. 1. hist. Eccles. cap. 20. Metropolis autem facta est in Concilio Chalcedonensi, vt in eius act. 13. videre est. Vnde *Anastasius* Relationi Synodi Constantinopolitanæ ad Hormisdam subscribens se Nicæensem Metropolitam nominat. Non tamen ab initio suffraganeos habuit, vt in eodem Concilio legitur: sed tantum sæculis posterioribus & circa tempora Concilij generalis sexti, in quo Bithyniæ secundæ cui Nicæus Antistes præerat, memoria est.

APAMEA Ptolem. lib. 5. cap. 1. vulgò *Apami*. *Callinicus* Apameæ Bithyniæ Præful in Concilio Chalcedonensi legitur.

LINOE Notitiæ antiquæ Græcæ. Sed eius Episcopum non legi ante *Anastasium*, qui Concilio generali sexto subscripsit.

GORDVS seruorum eidem Notitiæ antiquæ. *Isidorus* Gordi seruorum in Bithynia Concilio generali sexto interfuit.

Alias huius prouinciæ sedes recensent Notitiæ antiquæ huic operi subiungendæ, sed Episcoporum eiusdem nominis qui Concilijs antiquis subscriperint non memini.

IBERIA.

a Socrates lib. 1. c. 16.

IBeres, inquit. Socrates, ad Pontum Euxinum habitant: suntque Colonia deducta ab Iberibus qui Hispaniam incolunt. Ætate Constantini Christi fidem hac occasione amplexi sunt, quod mulier Christiana diuina prouidentia ab ipsis capta Regina filium, & postea Reginam ipsam à grauib. morbis oratione liberauit. Cum enim hæc miracula Christo tribueret mulier illa, de eius fide statim Regina imò & Rex ipse edoceri voluit. Moxque Ecclesiâ instauratâ ad Constantinum Legatos miserunt vt Episcopum & sacrum Clerum acciperent, in Christum se sincerè & ex animo credere affirmantes.] Hæc ex Socrate. At quis ex his non infert apud illos saltem eo tempore sedem Episcopalem fuisse? Cōfirmaturque ex ^b Balsamone, dum hæc ait [Iberiæ Episcopum honorauit Antiochenæ Synodi dispositio. Dicitur enim quod tempore sanctissimi Patriarchæ magnæ Antiochiæ, Domini Petri, fuit Synodica ordinatio, qua statutum est liberam esse ac principalem, & per se caput, Ecclesiam Iberiæ, sed tamen Antiocheno Patriarchæ subiectam.] In

b Balsamon in Can. 2. 2. Synod. Gen. 3.